

中國南海諸群島文獻彙編之四

洋防輯要

(三)

臺灣學書局印行

洋防輯要卷十三

淑浦嚴如煜樂園輯

福建畧下

安康張鵬飛補山梓

洋稅

嘉靖中有佛狼機船載貨泊浯嶼漳龍溪八九都民及泉之賈人往貿易焉巡海道至發兵攻夷船而販者不止總督朱統獲通販者九十餘人悉斬之而海禁嚴三十六年海寇許老謝策等突至月港大殺掠明年冬倭寇三千人再抵月港散劫八九都往來浯嶼寇累歲不息土人乘機爲叛號二十四將沿海騷然四十二年巡海道周賢宜討平之其明年奏設海澄縣治隆慶初年巡撫福建涂澤民題請開海禁准販東西二洋通政唐順之有云國初浙福廣三省設三市船司在浙江者專爲日本入貢帶有貨物許其交易在廣東者則西洋番船之湊許其交易而抽分之若福建旣不通貢又不通船設立

市舶之意漫不可考矣。船之爲利也，譬之礦然，封關礦洞，驅斥礦徒，是爲上策。度不能閉，則國收利權而自操之，是爲中策。不閉不收利，孔洩漏以資奸萌，嘯聚其中，斯無策矣。今海賊據浯嶼、南嶼諸島，公然番舶之利而中土之民交通接濟，殺之而不能止，則利權之在外也，宜講查國初設交市船之意，毋洩利孔，使奸人得乘其便。其於海禁利害，晰如也。然市舶之與商船，其說稍異。市舶者，諸夷船泊吾近地，與內地民互爲市，若廣之濠鏡，澳然商船則土著民釀錢造船，裝土產徑望東西洋而去，與海島諸夷相貿易，其出有時，其歸有候，廣洋巨浸，船一開帆，四望天水相連，茫無畔岸，而海人習知海道者，率用指南針。卽羅經爲其道嚮，相傳有航海針經針，或單用，或指酉辰間。以前知某洋島之所在，約更時當行水路幾許，打量水深淺幾托。方幾何爲托。海中島嶼作何狀，某洋礁險宜慎，或風雲氣候不常，以何法

趨避之異時海販船十損二三及循習於常所往來舟無慮若安瀾
 焉蓋海濱民射利精如此東洋若呂宋蘇祿諸國西洋暹羅占城諸
 國及安南交趾皆我羈屬國無侵畔故商船不為禁東洋有呂宋
屋司沙瑤
 玳瑁宿霧文采南旺大港叻哩哩磨差英華架山
 密雁中邦以寧磨里呂味六合高藥武運福河崙岸
 塔順達西洋有下港暹羅舊港交趾東埔寨丁機
 宜順塔占城麻六甲順化大泥烏汀礁林新州
 晒齊交留吧哪彭西寧陸坤占波高址州高堤里隣
 吉連單乘物吉寧邦日隸安汀義里遲悶蘇祿難溢
 又有鷄籠淡水不而特嚴禁販日本者比於通番接濟之例先是海
 係東西洋船數澄未置縣時有靖海館以通判一員司巡緝其後請設海防同知易
 靖海館萬歷二年巡撫劉堯誨題船稅充餉歲以六千兩為額委海
 防同知專督理之刊海稅禁約一十七率時海防同知
沙植條陳其禁壓各議
 以為過洋之船以東北風去西南風回雖回緩亦不過夏惟自倭回
 者必候九十月間風汛且日本無貨祇有金銀凡船至九十月方回

又無貨物者明係展轉交倭縱有給引仍坐以通倭罪同艘船駁及

澳甲等許其舉首給賞之於時凡販東西二洋鷄籠淡水諸番及廣

東高雷州北港等處商漁船引俱海防官爲管給每引納稅銀多寡

有差名曰引稅

東西洋每引納稅銀三兩鷄籠淡水及廣東引納稅銀一兩其後加增東西洋稅銀六兩鷄籠淡水稅銀

二兩萬歷十八年商漁文引路沿海州縣給發船番引仍舊

每請引百張爲率隨告隨給盡即請

繼原未定其地而亦未限其船十七年巡總周案議將東西二洋番

舶題實隻數歲限船八十八隻給引如之後以引數有限而私販者

多增至二百十引矣其征稅之規有水餉有陸餉有加增餉水餉者

以船之廣狹爲准其餉出於商船陸餉者以貨之多寡計值征餉其

餉出於鋪商又慮有藏匿禁船商毋輒起貨以鋪商所接買貨物應

稅之數給號票令就船完結而後許鬻賣焉

西洋船面闊一丈六尺以上者征餉銀五兩每

多一尺加銀五錢東洋船頗小量減西洋十分之三陸餉胡椒蘇木等貨計值銀一兩者征餉銀二分鷄籠淡水者名曰小番地近船小

每角面潤一尺征水餉銀五加增餉者東洋中有呂宋其地無出產

錢陸餉亦如東西二洋之例錢用銀鑄造字用番文九易貨船多空回卽有貨亦

番人率用銀錢六成色漳人今多用之無幾故商販回澳征抽水陸二餉外屬呂宋船者每船另追銀百五

十兩謂之加增後各商苦難輸納萬歷十八年量減征三百二十兩每年至五六月七八月間

風汎屆期各商船回至海外俱由南澳浯銅諸水砦及島尾濠門海

門各巡檢信地經過隨報府縣及海防館逐程撥船護送防寇掠其

實稽查隱匿漏稅者云自萬歷四年餉溢額至一萬兩刊入章程至

十一年累增至二萬兩有餘二十一年報倭警禁止通販而海濱民

苦爲生難輒違禁私下海或假借縣給買穀捕魚之引故越販於是

巡撫許孚遠深念之恐後爲變如嘉靖時出示招諭凡買販人船不

論從前有引無引日遠日近俱准駕回照例報官納餉一切私通及

壓冬各情罪悉宥免是時越販商人胡臺謝楠等二十四船聞撫綏

令皆駕船回澳報餉與正引之商一例征納二十二年餉驟溢至二萬九千餘兩然則海民趨利之情與商舶通塞之利病其大畧可睹矣其後當事者疑稅餉多寡海防館所報不盡實始議飭各處關稅之例歲委各府佐貳官一員輪管之示清核毋專利窟而泉州以兵餉告匱分巡興泉道建議於泉州中左所設官抽餉如漳之海防例令漳民販西洋泉民販東洋毋相攙越事併下府議時漳民紛稱不便乃具詳言本府屬縣歲派額餉數少民又多逋軍需往往告匱卽隆慶中開設海澄船稅僅數千金萬歷中增至一萬兩以此佐之猶且不敷動請司餉濟給考之累年各請撥司餉二萬兩往牒具在迨十三年以後船稅增至二萬餘兩兼以槩府尺土半壓凡屬官者靡不括以充餉卽鐵爐牛行渡船網稅搜無遺利始免仰給司帑然亦必縣餉船稅盡數征完方克有濟查見在十縣餉額共三萬七千七

百九十餘兩湊船稅二萬餘兩六都在六萬上下而水陸官兵月糧修船置器犒賞諸費歲不下六萬兩如萬歷二十一年禁海餉絀則括府縣帑藏及借諸站剩銀等支用豈有贏餘積藏於庫哉漳泉均爲海郡兵餉並屬吃緊餉在漳則漳利餉在泉則泉利其便均也漳餉匱則請在漳泉餉匱則請在泉其不便亦均也今欲以東西洋分屬漳泉割漳餉以贍泉兵不惟漳之兵食無所措給從此私販之徒緣爲奸利不漳不泉東影四射公然四出不可究詰者又常什伯於昔日本府籌之未見盡善無弊也惟是權稅不籌責於海防官聽上裁於是漳泉分販罷議不行而題請改設餉館給關防會上方大權天下關稅二十七年中貴人啣命至閩凡山海關津之稅畢蒐羅以進內帑而舶稅歸內監委官征收矣

時議委三司首領一員與內監委官協管

於正稅外

派辦盡方物費不貲重以委官需索土人狡譎無忌憚者投充爲巡

攔藉端擾害漳民情因洶洶焉賴有司調停安輯之不爲變而是時漳泉民販呂宋者或折關破產及犯壓各境不得歸流寓土夷築廬舍操傭雜作生活或娶婦長子孫者有之人口以數萬計而同安人張嶷者謬奏言海有機易山與福建相近地產金若採取之可得成金無算有詔遣中貴人委官往勘視而呂宋番聞之大恐以中國將畧取夷地諸流寓人皆內應也於是盡坑殺漳泉民之在呂宋者以二萬人事聞張嶷以欺罔首禍寘極刑海夷有別種號紅夷番饒財寶擅給中使文移招諭以來船舶澎湖其人非東西洋種人髮純赤強而多力以船爲家於海島諸港門販鬻爲生涯其船宏壯甚出沒海洋怒濤中亡所損爲兵器自護衛若佛狼機銃發貢銃之屬亦甚具其交易頗以信義怒輒殺人海島中諸夷畏避之利中國羅綺綸布諸貨諸奸人啗以利謂漳之南澳澎湖各島可以市泊紅夷者以

爲信至凡數船事聞撫按行守巡道議以市舶必不可許且奏下兵部覆疏責中使令所在守將督信地兵嚴拒之紅夷船始去而漳泉間射利者意鞅鞅以爲此不費航海而坐收遠夷珍寶利百倍若之何而失之嗚呼其亦不思甚矣哉夷性無常非我族類而海邊惡少尤習狙詐無事猶將勾引接濟爲寇攘地況日夕與豺狼處非欺負貨物激怒夷而至爲變則將爲陰陽播弄啗夷以玉帛子女而爲之嚮導患之至也其何日之有若嘉靖中倭寇藉入貢蹂躪寧紹間皆起於市貨不售土人貪利無行者爲構誘煽亂禍蔓延至不可解殷鑒不遠爲閩計可復爾耶或曰紅夷性朴直非狡倭比是又不然獨不聞廣香山之有澳夷乎其初亦尋常販易今結聚日衆盤據濠鏡澳諸作奸犯科者悉亡命藏匿其中築崇城百雉據險阻兵勢駭迫於省會若癰之附項疽之附骨治之不可養之日深當事者屢以爲

憂矣今之紅夷其疆驚出澳夷上邇年與澳夷爭市舶地相賊殺廣之海上澳夷輒不勝而高峻其城郭以防禦之其人魁偉者殆防風氏之骨專車焉可玩其狡不如倭而垂涎以爲利藪此奸人之以國爲嘗者也第今東南隱患又不但此頃撫臣奏言閩地斥鹵磽确田不供食以海爲生以津舶爲家者十而九也况今軍需國課半取給於市艘豈能禁之不去但奸民有假給由引私造大船越販日本者矣其去也以一倍而博百倍之息其來也又以一倍而博百倍之息愚民蹈利如鶩其於凌風破浪直偃息視之違禁私通日益月盛有暗結婚姻有私受夷職甚者或賣船以資敵我無晉魏絳之五利而彼饒中行說之三窟長此安窮况今琉球告急屬國爲俘而沿海奸民揚帆無忌萬一倭奴竊據窺及鷄籠淡水此輩或從而勾引之門庭之寇可不爲大憂乎請申飭沿海清查由引嚴禁歷冬不許私造

違式大船及以引餉事權歸海道管核便疏下兵部覆如議行而沿海民大黠猾及憑藉有勢力者借東西洋由引而潛趨日本時時有之禁雖嚴未全戢

兵防

洪武三年置漳州衛指揮使司其屬爲經歷爲鎮撫爲千戶所者五千戶所各統百戶若鎮撫後設鎮海衛所統亦如之又置陸鰲銅山元鍾守禦千戶者三衛軍可五千餘人所軍可千餘人耕其屯田而食之成宏間又設鎮海之後千戶所戍龍巖而以漳州衛之後千戶所戍南詔此衛所始末之大較也銅山漳濱海之重鎮也明初遣江夏侯周德興入閩築城備倭置五砦銅山其一爲寨在井尾澳景泰中移今西門澳初以衛官有才望者統其事而後以欽依把總一人元鍾澳屬焉

籌海圖編曰漳州府所轄漳浦一縣最近海澳設水砦者二銅山西門澳爲把總水砦而元鍾受其節制

故今止以五砦爲名歲撓鎮海漳州永安衛及元鍾銅山所軍分番巡哨北自金山以接浯嶼南自梅嶺以達廣東隆慶六年知用羅青霄議置土兵五營分鎮諸處或廢或有萬歷初年又爲銅山置浙兵營則自萬歷十一年爲吳雙引倡亂而設蓋主與客交駐云澎湖在漳泉海外與倭僅隔一衣帶水嘉靖以來曾一本林鳳輩往來嘯聚其間數爲邊患壬辰朝鮮告變時傳倭且內侵當事謂不宜坐棄澎湖爲設官兵據險戍之又慮孤島遙懸汛期分諸路兵遞爲應援以水犀杜其梟獍此營若始末之大較也漳入明領縣五成化中以溫文進之亂割龍巖居仁等五里置縣漳平謂險遠難制也正德中象湖諸處亂起巡撫都御史王守仁督兵討平之復采鄉三老議以爲蘆溪等處地里遙遠政教不及釀成大禍今動三軍之衆合二省之威雖曰殲厥渠魁掃除黨類特一時之計未爲久遠之規乞於河頭中營添設縣治引帶汀漳喉襟清寧政教旣敷盜賊自息

上疏請朝置和平縣嘉靖初以南詔廣寇出沒置詔安縣月港者龍溪海上一大都會也自內外賊盤據爲難烽燧傳警歲無虛日都御史朱純疏請建邑不果後郡守唐九德力持其議都御史汪道昆爲更請置縣海澄而是時又以初平蘇阿晉等於殺狐嶺割龍巖之集賢里置縣寧洋國家剖牧民之符非惟臨長百姓夫亦以父母伊邇威信易敷赤子潢池弄兵自息設險守固勝於數十萬甲兵也郡又有海防同知春秋防汛近又設督捕通判駐雲霄丞主海上事而別駕職內賊此郡邑始末之大較也漳初未有大帥建牙者嘉靖二十八年以軍興設參將一人二十五年益以水陸參將二人三十八年請分福建三路爲三將軍主之其駐漳者爲南路所轄自詔安廣東界北達祥芝蓋鎮漳而兼控泉也先南澳尙未開府每遇汛期專駐元鍾後南澳既設移駐銅山萬歷二十年議者謂偏處一方移駐鷺

居中調度焉而南澳者在閩廣父夙爲通藪吳平許朝光巢穴於山曾一本林道乾游魂於海至合兩省會剿始平遂議善後題設副總兵官協守漳潮拓地舡鎮無事則玉斧彈壓有事則金鉏窮追兼制兩省秩亞驃姚此將帥始末之大較也夫宏正以前承平旣久人不知兵故規制尚畧嘉隆之間所部雲擾歲歲苦兵故規制寔詳然衛所官大則金緋小亦列校歲糜月俸錢甚奢其錚錚者多脫穎以出樹勲他處而卑者長旁榮戟乘堅策肥刻削自豐恣睢自豪至不識韜鈴爲何物戰場爲何時告以鼓鼙聲心悸欲絕且凭空頓於戶下安望其緩急使乎若正統鄧茂七之寇指揮顧斌擁兵銅陵募死士入衛遂大破賊二百年來一人而已彼鎮海爲饒賊所陷諸將束手坐觀板蕩此曹之肉豈足食哉至於衛所軍世守尺籍執其銳器不能刑鷄鷺無論卽戎脫有變棄甲不暇耳國家養兵世世僅得其

空名宇內皆然不獨漳也正統天順間所在招募丁壯爲民兵

即快
手機

兵之

而巡司故有弓兵俱有司操練然今民壯僅供公門役使弓兵

所緝里閭鳴吠及負擔輿販而已議者始復仰借於客兵乃客兵之
大利六害亦畧可言方嘉靖鼎沸時海內名將如戚繼光俞大猷俱
統重兵入漳征勦海上父老猶言繼光時事賊圍孤城急復四出剽
掠父老扶攜登望女牆上冀援兵旦晚且至嗣見遠煙數點影響如
旌旗狀忽砲響官兵業抵近郊與賊接戰大破之蓋繼光每出師或
急或緩人莫能測賊偵繼光方與所在當道歡飲解甲犒師似未卽
發繼光已夜從間道急進出沒若神賊猝不意輒狼戾死甚衆云蔡
陂之役賊又預度繼光當至設伏待之猝然譙起兵爲少却繼光斬
前怯者數人身自督戰賊竟潰四十四年海寇吳平據梅嶺繼光兵
來賊遁入南澳繼光追擊之俘斬萬五十人賊潛遁赴海而漳遂平